

Պ. Ա. ԿՈՍՏԻԶԵՎԻ ՄԱՀՎԱՆ 60-ԱՄՅԱԿԻ ԱՌԹԻՎ.

Պ. Ա. ԿՈՍՏԻԶԵՎԻ ՀԻՇԱՏԱԿԻՆ

Սրանից 60 տարի առաջ Ռուսաստանի գյուղատնտեսությունն ընդ-
միշտ զրկվեց խոշորագույն գիտնականներից մեկից՝ Պ. Ա. Կոստիչևից, որն
այնքան մեծ ջանքեր է գործադրել ագրոնոմիական գիտություն զարգացման
և ուսսական լայնարձակ դաշտերի բերքատվությունն բարձրացման գործում:
Պատկել Անդրեևիչ Կոստիչևը պատկանում է ուսսական մեծ գիտնա-
կանների շարքին, որոնց գործերն ապրում են դարեր: Վ. Վ. Դոկուչակի
հետ միասին, նա ամենայն իրավամբ համարվում է ուսսական հողագիտու-
թյան երկրորդ հիմնադիրը: Ռուսական անծայրածիր հարթավայրերի և
ուկրաինական տափաստանների հողային ծածկոցը, մասնավորապես ուս-
սական սևահողային հողայական տարածությունները Կոստիչևին հիմնադա-
նում հետաքրքրում էին բերքատվության բարձրացման տեսակետից: Այս
կապակցությամբ նա իր ամբողջ կյանքում պայքարել է ուսսական գյու-
ղատնտեսության զարգացման, նրա արտադրողականության բարձրացման,
ուսս գյուղին օգնելու և նրան ծով կարիքից դուրս բերելու մեծ գործի հա-
մար: Նա վճռականորեն պայքարել է հողագիտությունը հողագործության
պրակտիկ խնդիրներից անջատելու փորձերի դեմ: Հողերի միակողմանի
ստատիկ ուսումնասիրությունը նա հակադրել է իր բազմակողմանի պինա-
միկ մոտեցումը, որը նրան հնարավորություն է տվել ճիշտ կերպով պար-
զելու հողի հիմնական հատկությունները: Նա իր ամբողջ կյանքը նվիրել
է հողի բերրության բարձրացման հետ կապված խնդիրների ուսումնասի-
րությանը: Միաժամանակ Կոստիչևը պայքարել է գյուղատնտեսական գի-
տությունը գյուղի աշխատավորության սեփականությունը վարձնելու, գյու-
ղատնտեսական կրթության և կուլտուրայի լայն տարածման համար, խորը
գիտակցելով, որ միայն գիտական տվյալների հիման վրա կարելի է վե-
րացնել ուսսական գյուղատնտեսության հետամնացությունը և դուրս բե-
րել նրան զարգացման լայն ճանապարհ: Համառ ու երկարատև հետազո-
տությունների միջոցով Կոստիչևը մշակել է բերքատվության բարձրացման,
երաշտի դեմ պայքարելու, տափաստանային պայմաններում անտառային
մասսիվներ ստեղծելու, խոտաքանություն, պարարտանյութերի լայն օգտա-
գործման ուղղությամբ կոնկրետ միջոցառումներ: Բայց ցարական Ռուսաս-
տանի պայմաններում այդ միջոցառումների կիրառման մասին Կոստիչևը,
Դոկուչակի նման, կարող էր միայն երազել: Մեծ գիտնականի յուրջ և հիմ-
նավորված առաջարկները գործնականում հնարավոր եղավ կիրառել միայն
սովետական իշխանության պայմաններում:

* * *

Կոստիչևի մահից հետո արդեն անցել է ուղիով 60 տարի, բայց անմահ
գիտնականի աշխատությունները սովետական իշխանության պայմաններում

այսօր ավելի, քան երբեիցե, բարձր գնահատություն են արժանացել և պրակտիկ կերպով օգտագործվում են առցիակիստական դաշտերի բերքատվության բարձրացման գործում:

Պ. Ա. Կոստիչևը, որպես ուսանական հողագիտության երկրորդ հիմնադիր, մեծ դեր է խաղացել այս ուղղությամբ. նա առաջին հերթին ուսումնասիրում է ուսանական սեահողերի առաջացման պրոբլեմը, նրանց մեջ օրգանական նյութերի կուտակման ու քայքայման հարցը, միկրոօրգանիզմների դերի ու նշանակության խնդիրը հողակազմող պրոցեսում, հողի ֆիզիկական հատկությունները՝ կապված նրա ստրուկտուրային վիճակի հետ և ստրուկտուրայի ազդեցությունը հողի բերքատվության վրա: Կոստիչևը մտնում է հողին, ամենից առաջ, որպես կուլտուրական բույսերի զարգացման համար անհրաժեշտ միջավայրի: Եվ այդ կապակցությամբ նրան հետաքրքրում է այն հարցը, թե ինչու ուսանական հարթավայրի անծայրածիր տափաստանները մի գեպքում լավ բերք են տալիս, մյուս գեպքում՝ չէ:

Կոստիչևը երկար տարիների ընթացքում ուսումնասիրում է սեահողային տարածությունները և պարզում, որ մեծած բուսական մնացորդների քայքայումը հողի մեջ տեղի է ունենում գլխավորապես կենդանի օրգանիզմների՝ բակտերիաների ու սնկերի օգնությամբ և, այսպիսով, հողակազմող պրոցեսը կապում է բիոլոգիական գործոնների հետ: Նա գտնում է, որ օրգանական նյութերի կուտակումը հողի մեջ կարող է տեղի ունենալ այն գեպքում, երբ բուսական մեծած մասսայի տճր ավելի մեծ է, քան նրա քայքայումը: Այս կապակցությամբ Կոստիչևը պարզում է, որ բույսի արմատային ցանցի մնացորդները խոնավ միջավայրում և օդի բացակայության պայմաններում, դանդաղ քայքայվելով, նպաստում են օրգանական նյութերի կուտակմանը:

Ուսումնասիրելով հողի մեջ բուսական մնացորդների քայքայման դինամիկան, Կոստիչևը ցույց տվեց, որ օրգանական նյութերի կուտակման գործում, բացի խոնավության աստիճանից ու թթվածնի ներկայությունից, մեծ դեր է խաղում նաև միջավայրի ջերմաստիճանը: Չոր ու շոգ պայմաններում հողի մեջ օրգանական նյութեր ավելի քիչ են կուտակվում, քան խոնավ և ցուրտ պայմաններում:

Հետագա ուսումնասիրությունների ընթացքում Կոստիչևն ընդգծում է նաև մայրական տեսակների դերը սեահողերի առաջացման և օրգանական նյութերի կուտակման գործում: Կոնկրետ կերպով նա ցույց է տալիս, որ միևնույն կլիմայական պայմաններում, կարրոնատային նյութերի վրա, օրինակ, Օկա գետի հարավային ափերին, սեահող առաջանում է, իսկ հյուսիսային ափերին, որտեղ կարրոնատային մայրական տեսակները բացակայում են, սեահող չի առաջանում: Այսպիսով, Կոստիչևն արժեքավոր ու հիմնավորված պատկերացում տվեց օրգանական նյութերի կուտակման մասին, որով ճշանց ու լրացրեց Վ. Լ. Իոկուլյանի տեսությունը սեահողերի առաջացման վերաբերյալ:

Սեահողերի առաջացման հետ սերտորեն կապված է այն հարցը, թե հողի մեջ կուտակվող օրգանական նյութը արգյունք է տեղում՝ հողի միջին շերտերում տեղի ունեցող պրոցեսների, թե՛ հողի մակերեսային շերտերից թափանցել է ներծծվող ջրերի հետ: Կոստիչևն իր աշխատություններում ցույց տվեց, որ ուսանական սեահողերում մեծ խորություն վրա կուտակված

օրգանական նյութերը հիմնականում առաջանում են տեղում եղած բուսական արմատային ցանցի փայլալաման հետեանքով և ոչ թե բերվում են հողի վերին շերտերից, ինչպես այդ կարծում էր Գուկուչաևը:

Կոստիշևը, հակառակ գոյություն ունեցող տեսակետների, իր էքսպերիմենտալ հետազոտություններով ցույց տվեց, որ հողի օրգանական նյութը՝ հումուսը ոչ թե փոխական պրոցեսների, այլ հիմնականում միկրոօրգանիզմների կենսագործունեության արդյունք է, որի հետ կապված է նաև ազոտի մեծ քանակությամբ կուտակումը: Այսպիսով, Կոստիշևը հանդիսացավ առաջին գիտնականը, որը հողերի ուսումնասիրության ընթացքում լայնորեն օգտագործեց միկրոբիոլոգիան:

Կոստիշևի այսպիսի բազմակողմանի մոտեցումը, հողի առաջացման ու զարգացման պրոցեսում բուսականության և միկրոօրգանիզմների գերին ու փոխազդեցությանը վճռական տեղ տալը հիմք են ծառայում նրան համարելու հոպոֆիտության բիոլոգիական ուղղության հիմնադիր, մի ուղղության, որը հետագայում փայլուն կերպով զարգացվեց ակադ. Վ. Ռ. Վիլյամսի կողմից: Կոստիշևի սերունդները հողի օրգանական նյութերի կուտակման, բուսականության ու միկրոօրգանիզմների միջոցով նրանց փայլալաման վերաբերյալ ակադ. Վիլյամսի համար գաղափարական հիմք հանդիսացան հողակազմող պրոցեսի էությունը զարգացնելու և ձևակերպելու գործում:

Հողի բերքատվության բարձրացման ասպարեզում, ի տարբերություն մի շարք գիտնականների, Կոստիշևը չհետևեց Արևմտյան Եվրոպայի ագրիկուլտուրփոխական ուղղությանը, այլ մոտենալով այդ վերջինին խիստ քննադատորեն, ընթացավ իր սեփական ուղղությամբ, ընդգծելով բերքատվության բարձրացման գործում հողի ֆիզիկական հատկությունների հսկայական նշանակությունը:

Կոստիշևի հետազոտությունները ցույց տվեցին, որ միևնույն քանակությամբ սննդանյութեր պարունակող և այս տեսակետից միատեսակ հողերը տարբեր քանակությամբ բերք են տալիս: Նա պարզեց, որ նման երկու հոպոմասերը իրարից տարբերվում են միայն նրանով, որ բարձր բերքատվության ընդունակ հողերը քաղկացած են նուրբ կնձիկներից, հատիկներից, ունեն լավ ստրուկտուրա, իսկ չնչին բերք տվող հողերը երկարատե մշակման հետևանքով բոլորովին փոշիացել են, ստրուկտուրայից զրկվել: Այսպիսով, Կոստիշևն ապացուցեց, որ հողի բերքատվության բարձրացման գործում, քացի նրա մեջ եղած սննդանյութերը, մեծ նշանակություն ունեն նրա ֆիզիկական հատկությունները:

Պ. Ա. Կոստիշևը ուսսական սեահողերի մի շարք հիմնական հատկությունների, մասնավորապես ստրուկտուրայի խնդիրը սերտորեն կապում է հոպոգործության պրակտիկ հարցերի հետ: Իր հետազոտությունների միջոցով Կոստիշևը պարզեց, որ բնական անմշակ տափաստանները կամ խոպան հողերը, որոնք ունեն լավ կնձիկային ստրուկտուրա, մշակման առաջին տարիներին տալիս են բարձր բերք, իսկ հետագայում, աստիճանաբար փոշիանալով, նրանց բերքատվության աստիճանն ընկնում է: Ուսումնասիրելով բուսական ծածկոցի զարգացման ու նրա փոփոխման պրոցեսը ժամանակի ընթացքում, Կոստիշևն ապացուցեց, որ բնական պայմաններում երկար տարիների ընթացքում անմշակ թողած հողերի վրա աստի-

ճանաբար առաջանում ու զարգանում են բազմամյա խոտաբույսեր, որոնք և նպաստում են քայքայված ստրուկտուրայի վերականգնմանը: Նման փոփոխություններից հետո այդ հողերը նորից բարձր բերք են տալիս: Բայց հողային տարածությունների սահմանափակությունը հնարավորություն չի տալիս բերքատվությունը բարձրացնելու նպատակով այդ հողերն անմշակ թողնել երկար տարիներ: Այստեղից Կոստիչևն անում է վերին աստիճանի կարևոր եզրակացություն. նա առաջարկում է արհեստական խոտացանություն, որը փոշիացած հողի մեջ կարճ ժամանակամիջոցում առաջ է բերում նույն փոփոխությունները, որոնք բնական պայմաններում տեղի են ունենում երկար տարիների ընթացքում, և մեկ-երկու տարվա ընթացքում կուտակում մեծ քանակությամբ օրգանական նյութ ու ստեղծում կենսկային ստրուկտուրա:

Ելնելով այն հանգամանքից, որ ստրուկտուրային հողերը կուտակում ու պահում են մեծ քանակությամբ ջուր, Կոստիչևը լուրջ ուշադրություն է դարձնում հողի մշակման հարցերին, քանի որ հողի մշակման միջոցով կարելի է կուտակական բույսերն ապահովել անհրաժեշտ քանակությամբ ջրի պաշարներով և, այդպիսով, պայքարել երաշտի դեմ:

Այս կապակցությամբ Կոստիչևը մեծ նշանակություն է տալիս ցրտահերկին ու սև ցեղերի մշակմանը: Յրտահերկը նա պարտադիր է համարում ինչպես դարնանացան, այնպես էլ աշնանացան կուլտուրաների համար: Յրտահերկի կարևորությունը Կոստիչևը բացատրում է նրանով, որ ցրտահերկը հնարավորություն է տալիս կլանել աշնան ու դարնան ջրերը, կուտակել մեծ քանակությամբ ձյուն և օգտագործել այդ ջուրը ձյան հալման ընթացքում: Վերջապես, հողի մշակումն ու նրա փխրեցումը Կոստիչևը կապում է հողի մեջ եղած ջրի գոլորշիացման աստիճանը սահմանափակելու և ջրի կորստի դեմ պայքարելու անհրաժեշտություն հետ:

Հողի մշակման հաջողություններից մեկը Կոստիչևը համարում է մշակման բարձր որակը ու ժամանակին կատարած աշխատանքը, որը, ըստ Կոստիչևի, պիտի կապել յուրաքանչյուր վայրի հողակլիմայական կոնկրետ պայմանների հետ:

Պիտի ասել, որ հողի մշակման հարցերում Կոստիչևը պայքարում էր Արևմտյան Եվրոպային ընդօրինակելու, նրա շարունը ոռոսական պայմաններում կիրառելու դեմ: Մասնավորապես նա խիստ առարկում էր Ռուսաստանում ցելի ամառային կրկնավարի դեմ, որը կիրառվում է Արևմտյան Եվրոպայի խոնավ պայմաններում: Նա պնդում էր, որ ոռոսական սեահողային առօրյա առանքներում, հաճախ չորային պայմաններում, ցելի կրկնավարը չորացնում է հողը, գոլորշիացնում խոնավությունը և փոխանակ բերքը բարձրացնելու, նպատակում է նրա անկմանը, մանավանդ երաշտ տարիներին: Այս կապակցությամբ նման դեպքերում Կոստիչևը պահանջում է միայն ոչնչացնել մոլախոտերը և փխրեցնել հողի վերջին շերտը, որպեսզի ջուրը չգոլորշիանա:

Բերքատվության բարձրացման և երաշտի դեմ պայքարելու գործում Կոստիչևը մեծ տեղ է տալիս ձյան կուտակմանը ու ձնաջրերի օգտագործմանը. նա պահանջում է ձյունը հողի մեջ վարել, արգելակներ դնել. արևվածադիկ կամ եգիպտացորեն ցանել դաշտերում ու նրանց ցողունները թողնել՝ ձմեռվա ընթացքում ձյան կուտակմանը նպաստելու համար և այլն:

Երաշտի դեմ պայքարելու կապակցությամբ Կոստիչևն ընդգծում է սնտառաշերտերի վերին առտիճանի դրական գերը. նա ցույց է տալիս, որ անտառով շրջապատված հողամասերը երաշտի տարիներին անհամեմատ ավելի շատ բերք են տալիս, քան անտառից հեռու գտնվածները:

Վերը բերված համառոտ տվյալները լրիվ կերպով բնորոշում են ոռոսական ագրոնոմիական գիտության հիմնագիտելիքի մեկի՝ մեծ գիտնական Պ. Ա. Կոստիչևի մեծությունը:

Եվ այսօր, երբ անձայրածիր Սովետական Միության կոլտնտեսություններում ու սովխոզներում սոցիալիստական դաշտերի մարտիկները ագրոնոմիական գիտության ու առաջավոր փորձի լայն կիրառման հիման վրա, ելնելով Սովետական Միության Կոմունիստական պարտիայի Կենտրոնական Կոմիտեի վերջին պլենումների պատմական որոշումներից, մեր երկրի գյուղատնտեսության բարձրացման ուղղությամբ կանխելա գործի են անցել, Պ. Ա. Կոստիչևի ուսմունքն ի վիճակի է գործնական օգնություն ցույց տալու մեզ: Ռուսական ագրոնոմիական գիտության կորիֆեյ Պ. Ա. Կոստիչևի բազմաթիվ զրույթները հոգի մշակման վերաբերյալ միանգամայն կիրառելի են նաև այսօր, մեր պայմաններում: Սովետական Հայաստանի լեռնային ու նախալեռնային շրջանների կոլտնտեսային դաշտերում:

Անհրաժեշտ է, որպեսզի Հայաստանի գյուղատնտեսական ֆրոնտում աշխատողները, մեքենա-տրակտորային կայանների մասնագետներն ու կոլտնտեսային ակտիվը լուրջ ու բազմակողմանի կերպով ուսումնասիրեն հայրենասեր գիտնականի ուսմունքի հիմունքները և լայնորեն կիրառեն դրանք մեր դաշտերի բերքատվության բարձրացման համար մրցովող համաժողովրդական պայքարում:

Պրոֆ. Խ. Պ. ՄԻՐԻՄԱՆՅԱՆ